



## **P R A V I L N I K**

### **Festivala lutkarske umjetnosti Mostar**

#### **ORGANIZATOR FESTIVALA**

Organizator Festivala lutkarske umjetnosti je Pozorište lutaka u Mostaru.

#### **DIREKTOR FESTIVALA**

Funkciju direktora Festivala obavlja direktor Pozorišta lutaka u Mostaru. Direktor Festivala donosi konačne odluke o svim pitanjima vezanim za Festival, osim odluka o nagradama Festivala.

#### **UMJETNIČKO RUKOVODSTVO FESTIVALA**

Umjetničko rukovodstvo Festivala čine Umjetnički savjet Festivala lutkarske umjetnosti koji čine Umjetnički direktor Pozorišta lutaka u Mostaru, dva člana Umjetničkog ansambla Pozorišta lutaka u Mostaru i još dva pridružena, vanjska člana Savjeta.

#### **TEHNIČKO RUKOVODSTVO FESTIVALA**

Kompletno tehničko rukovođenje Festivala preuzima Pozorište lutaka u Mostaru. Po potrebi Pozorište lutaka angažuje i vanjske saradnike. Pozorište lutaka u Mostaru radi i na medijskoj zastupljenosti Festivala, te na vizuelnom identitetu, poslovima marketinga, traženju sponzora i donatora Festivala, kao i na pronalaženju medijskih pokrovitelja Festivala.

#### **VRIJEME ODRŽAVANJA FESTIVALA**

Festival lutkarske umjetnosti je tradicionalan i održava se svake godine u drugoj polovini septembra/rujna.

#### **SELEKTOR FESTIVALA**

Funkciju selektora Festivala obavlja Umjetnički direktor Pozorišta lutaka u Mostaru. Njegov izbor lutkarskih predstava koje učestvuju na Festivalu odobravaju ostali članovi Umjetničkog savjeta. Njihovu zajedničku pismenu Odluku konačno odobrava direktor Pozorišta lutaka u Mostaru i objavljuje konačan Program Festivala lutkarske umjetnosti.



## **SELEKCIJA**

Osnovni kriterij za izbor lutkarskih predstava u zvanični program Festivala lutkarske umjetnosti je njihov umjetnički kvalitet. O kvalitetu predstava odlučuju selektor Festivala i Umjetnički savjet. Predstave Pozorišta lutaka u Mostaru ne mogu učestvovati u Zvaničnoj (takmičarskoj) selekciji Festivala.

Rezultati selekcije biće objavljeni na sajtu Pozorišta lutaka u Mostaru, najkasnije mjesec dana prije početka Festivala. Pojedinačna obavještenja šalju se samo onim učesnicima čija predstava bude izabrana za izvođenje u okviru Zvaničnog (takmičarskog) programa Festivala lutkarske umjetnosti.

## **PRATEĆI PROGRAM**

U okviru Festivala lutkarske umjetnosti, osim Zvaničnog (takmičarskog) programa, organizuje se i Prateći program u kojem se mogu naći predstave za djecu i odrasle, predstave uličnog teatra, varijetetski programi, tematske izložbe, koncerti, predstavljanja knjiga, lutkarske radionice, radionice glume i slični sadržaji. O sadržaju i obimu Pratećeg programa odlučuje direktor Festivala u saradnji sa Umjetničkim savjetom Festivala.

## **PROSTORI FESTIVALA**

Predstave u Zvaničnom programu igraju se, uglavnom, u scenskim prostorima Pozorišta lutaka u Mostaru (Braće Čišića 15), na Velikoj sceni i Maloj sceni „Karel Čapek“. Prema potrebama pojedinih predstava koje gostuju na Festivalu i odlukama rukovodilaca Festivala njihovo izvođenje može biti i u drugim mostarskim profesionalnim teatarskim prostorima. O tome, u dogovoru sa gostujućim lutkarskim umjetnicima i profesionalnim teatarskim kućama Mostara, odlučuje direktor Festivala.

## **SIMBOL FESTIVALA**

Simbol Festivala je umjetnički stilizovani prikaz svica, letećeg insekta koji svijetli u mraku (eng. firefly). Dizajniranje i izrada zaštitnog znaka Festivala biće, uz naknadu, ponudeni istaknutim bosanskohercegovačkim likovnim umjetnicima i dizajnerima. O prihvatanju konačnog rješenja (ili više njih) zaštitnog znaka i njegovoj izradi odlučuje direktor Festivala u saradnji sa Umjetničkim savjetom Festivala. Izrađena skulptura svica dodjeljuje se, uz diplomu, kao nagrada Grand Prix, najboljoj predstavi Festivala.

## **USLOVI I NAČIN PRIJAVLJIVANJA**

Festival je međunarodnog karaktera i otvoren je za sva profesionalna i vaniinstitucionalna pozorišta/kazališta i trupe koje njeguju lutkarsku umjetnost. Svi koji apliciraju za zvaničnu konkurenciju dužni su da, pored popunjenog formulara za prijavu poslanog elektronskim putem ili poštom, prilože:

POZORIŠTE  
**LUTAKA**  
U MOSTARU



PUPPET  
**THEATER**  
MOSTAR

1. Kompletan snimak predstave
2. 5 fotografija predstave (13x18 cm, 300 dpi, quality 3 / oko 1500 do 2100 piksela)
3. Kratak sadržaj predstave (do 900 znakova)
4. Puna imena članova kreativnog i tehničkog tima
5. Kratak tekst o pozorištu/trupi ili biografiju (do 900 znakova)
6. Logo pozorišta/trupe.

Bez ovih elemenata prijava se neće smatrati potpunom i valjanom. Oni su potrebni radi selekcije i izrade kataloga Festivala. Priloženi materijali se ne vraćaju.

### **NAGRADE FESTIVALA**

Festival lutkarske umjetnosti Mostar dodjeljuje sljedeće nagrade:

1. Grand Prix „Zlatni svitac“ za najbolju predstavu,
2. Nagradu za najbolju režiju,
3. Nagradu za najbolju scenografiju,
4. Specijalnu nagradu za najbolju dramaturgiju,
5. Nagradu za najbolje lutke,
6. Nagradu za najbolju originalnu muziku,
7. 5 ravnopravnih glumačkih nagrada,
8. Specijalnu nagradu direktora Festivala.

Nagrade nisu novčane. O nagradama odlučuje tročlani ili peteročlani žiri koji se bira među afirmisanim teatarskim umjetnicima i teatrolozima. Odluku o članovima žirija donosi direktor Festivala u saradnji sa Umjetničkim savjetom.

### **OBAVEZE ORGANIZATORA**

Organizator je dužan obezbijediti odgovarajuće scenske i tehničke uslove za izvođenje predstava. Organizator Festivala snosi i troškove lokalnog transporta, obezbjeđuje prikladan smještaj i ishranu učesnika Festivala. U dogovoru sa gostima Festivala pojedinačno se utvrđuju eventualne ostale obaveze organizatora.

### **KONTAKT**

Pozorište lutaka u Mostaru  
Braće Ćišića 15, 88000 Mostar  
Bosna i Hercegovina  
T: (+387) 36 552 625  
M: (+387) 61 741 545  
E: info@plm.ba  
www.plm.ba